



UNIVERSITÄTS-  
BIBLIOTHEK  
PADERBORN

**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

10 Quid adulterium, & quale peccatum.

---

[urn:nbn:de:hbz:466:1-72459](#)

*Est impedimentum impediens.*

*Sunt ex-communi-cati.*

*Eft impedimenti pro tempore dimis-*

*An per nu- prias cum raptis, tol- lares infamia.*

*Ad ratio- num.*

Secundū, Vt sine spe coniugij maneat. Itaque est impedimentum non quidem dirimens, sed impediens ab omni coniugio. Potest tamen Episcopos in eo dispensare. imo quibusdam locis non est hoc impedimentum in usu; vt Nauarrus notauit cap. 22. num. 74.

Tertiū, Raptor alicuius puellæ, vel mulieris cuiuscumque, & omnes illi consilium, auxilium & fauorem præbentes sunt ipso Iure excommunicati, & perpetuo infames, omniumque dignitatum incapaces; & si Clerici fuerint, de proprio gradu deicendi. Ita Concilium Trident. fesl. 24. de re-form. matrim. cap. 6.

Quartū, Inter rapturem & raptam, quamdiu ipsa in eius potestate manerit, nullum potest constiteri matrimonium, etiam si ipsa libertate consenserit; vnde pro eo tempore est impedimentum dirimens. Vbi tamen à raptore fuerit separata, & in loco tuto & libero constituta, potest illi nubere, si velit. Ita Concilium suprà quo easu putant quidem tolli infamiam, & incapacitatem ad dignitates, per raptum contractam: alioquin rapti co-geretur nubere viro infamè; quod esset in ipsis iugnamentum, contra fauorem, quem Concilium intendit dare matrimonio. vide Henriquez lib. 2. de matrim. cap. vlt.

Contarium puto verius: nam Concilium id aperte videtur excludere; sic enim ait: *Quod si raptis, à raptore separata, & in loco tuto ac libero constituta, illum in virum habere consenserit, eam raptor in uxorem habeat; & nihilominus raptor ipse, ac omnes illi consilium, auxilium, fauorem præbentes, sint ipso Iure excommunicati, ac perpetuo infames, &c.* quasi dicat, etiam si illam duxerit, incurrit in has pœnas.

Ad rationem in contrarium dico, non cogi illam nubere infamè, sed posse abstinere, sive velut imo Iure ciuli non poterit ei nubere, vt patet C. de raptu virginum; quod fuit confirmatum Iure Canonico antiquo, cap. Raptore. 2. & cap. 11. Placuit. 36. q. 2. quamus id postea renocatum fuit; vt constat ex cap. fin. de raptoribus. vnde Concilium non cupit illi matrimonio fauorem præstare; sed restungit concessionem d. cap. finalis, vbi non requiritur vt confiratur in loco tuto, sed solum vt liberè consentiat.

Circa prædictum decretum tria notanda. Primum, Valde probabile videri, illud non habere locum in raptu, qui fit tantum causâ libidinis explenda; de quo iam dictum est: sed dumtaxat in eo qui dirigitur ad contrahendum matrimonium. ita docet Sancius lib. 7. de matrim. disput. 1. n. 4. Congruum enim erat, vt ille raptus esset matrimonij impedimentum, qui propter matrimonium attentatur, nimurum, vt nemo audeat attentare per quod si suo fine videt frustandum. qua ratio non habet locum in raptu causa libidinis facto. Accedit, quod rarius ex tali sequatur matrimonium. nam plerumque raptam, vbi libidinem expleuerint, repellunt. Confir. quia verba intelligenda iuxta præsentem materiam. alioqui dicendum erit, etiam ex raptu seruendi causa facto, impedimentum nasci.

Secundum, Non habere etiam locum, cum puella sponte consentit abductioni, etiam si parentibus repugnantibus fiat. Ratio est, tum quia propriè non est raptus; quamvis ratione violentia quæ sit parentibus, sub quorum cura est, raptus dica-

tur, & Iure ciuli puniatur: tum quia iste raptus non repugnat vlo modo libertati matrimonij, cui Concilium eo decreto solùm voluit consultum; cuius signum est, quod semper permitrat matrimonium, quando puella sua libertati est restituta, nec requirat consensum parentum.

Tertium, Non habere locum in raptu, quo si sponsus sponsus rapit propriam sponsam; quia id in Iure raptus non vocatur crimen *raptus*; eò quod ex desponsa-*sponsam*. tione aliquid iuris in eam habeat; vt recte notat D. Thomas ar. 6. ad quartum, & reliqui Doctores. Vnde Gelasius Papa ( vt habetur 36. qu. 1. c. Lex illa 2.) dicit: *Lex illa præteriorum Principum, ibi raptum dicit esse commissum, ubi puella, de cuius nuprys ante nihil actum fuerat, videbatur abducta.*

## D V B I T A T I O X.

### Quid adulterium, & quale peccatum.

D. Thomas art. 8.

**A** Dulterium iuxta D. Thomam, dictum est 71 quasi ad alienum torum accessio: nihil enim est aliud quam alieni tori violatio. vnde requiritur ut vterque vel alter sit iunctus matrimonio; nam circumstantia coniugij in viro vel in femina facit vaetus luxuriæ dicatur adulterium.

Porrò hunc actum esse peccatum mortiferum, *Eft pecca-* constat ex pluribus sacra Scriptura locis; Exo. 20. *tum mor-* Non mæchaberis. Leuit. 20. *Si mæchatus quis fuerit tale,* cum uxore alterius. *& adulterium perpetrauerit cum coniuge proximi sui, morte moriatur & machus & adulteria.* Idem habetur Deuter. 22. & 27. Maledic̄tus qui dormierit cum uxore proximi sui. Iob 31. *Si deceptum est cor meum super malum, & si ad offium amici mei insidiatus sum: scortum alterius sit uxor mea, & super illam incurvant aly: hoc enim nefas est & iniquitas maxima. Ignis est usque ad perditionem deuorans, & omnia eradicans genimina.*

Vide pulcherrima in hanc sententiam Ecclesiastici 2.: Proverb. 6. Ieremiæ 5. 1. ad Cor. 6. *Nolite errare, neque fornicari, neque adulteri, neque molles regnum Dei possiderebunt.* Addo etiam, animalia Brutæ non quædam adulterium detestari & vindicare, vt Gui-*nulla adul-* lielmus Parisiensis primæ partis de Vniuerso par-*terium* plecent. te 3. cap. 8. de ciconiis testatur: *Tempore, inquit, meo, ciconia tamquam de adulterio connecta per olfa-* *etum mæcaldi sui, congregata multitudine ciconiarum, nescio qualiter accuſante masculo, vel detegente eius crimen, à tota illa multitudine deplumata atque dilacerata est, tamquam concilio aut iudicio omnium effet adulteri⁹ iudicata.*

Ratio est manifesta, quia continet totam malignitatem fornicationis, quam ostendimus esse *Cur sit mortiferam;* & præterea iniuriam in coniuge. peccatum mortale. quatenus enim est inter personas nullo vinculo coniugali copulatas, haber deformitatem & omnia incommoda fornicationis: quatenus vero est contra ius coniugis in re graui, est grauius iniuria contra iustitiam admissa: nam *vir non habet potestatem corporis sui, sed vir;* & contraria, *vix non gis.* *Ius coniugalem corporis sui, sed vir;* vt docet Apost. 1. ad Cor. 7. Conficit autem hæc potestas, seu hoc ius in duabus. Primò, Quod alter teneatur alteri volunti debitum coniugale perfoluere. Secun-*Dupliciter* dò, Quod teneatur à persona extranea abstinere. Itaque duabus modis fit coniugi grauius iniuria in causa matrimonij. Primò, Si nolit petenti debi-

debitum reddere; tunc enim ei denegat vsum rei sue. Secundo, Si se alteri copulet; tunc enim id quod est coniugis quoad vsum, tribuit alteri: imo cum sit vna caro cum coniuge, carnem coniugis miscet & vnit carni extranea. quanta autem sit haec iniuria, patet ex communī hominū aestimatione, qui illam tanti faciunt, vt putent vix posse irrogari maiorem: vnde etiam morte vel perpetuo diuortio illam vindicare solent.

73 Dices, Quid si coniux cedat iure suo, vel etiam fiat leno sue vxoris vt sit particeps pretij, vel alterius commodi?

Respondeo, Eo modo casu non fore propriè iniuriam in personam coniugis, vt confat ex dictis sup.c.7.dub.3. Scienti enim & consentienti nō fit iniuria; vt habet regula Iuris 27.l. 6. de Regul. Iuris: nihilominus erit iniuria in ipsum matrimonij statutum & ordinem coniugatorum: sicut si Clericus cedat iure sua exemptionis, quo non potest conueniri coram Iudice seculari, & sponte finas se ad tribunal saeculare pertrahi, non fieri ei propriè iniuria; sed statui clericali & ordini ecclesiastico. Simili modo qui occidit hominem volentem, non facit illi propriè iniuriam; sed peccat in naturam humanam. Vnde patet, in illo actu adhuc remanere duplicum malitiam, alteram contra castitatem, alteram contra matrimonij statutum; et si nō dicatur propriè iniuria in personam coniugis, v. g. in Petru; eo quod non fiat ipso solente & inuito, (quod tamen propriè hoc nomen connotat) nec obliget ad restitutionem vel satisfactionem, ob praeiam condonationem; tamen verē est contra iustitiam; quia est contra ius coniugij, & coniugis vt coniux est, quo ille cedere efficaciter non potest, eo quod competat ipsi non ad bonum priuatum, sed ratione status, qui est communis. vnde cūm cessio sit nulla, ius manet, & ita contra illud peccatur.

Notandum est, adulterium triplici modo posse committi. Primo, Ex parte viri tantum. Secundo, Ex parte feminæ tantum. Tertio, Ex parte viri & feminæ.

74 Si primo modo fiat, (vt si coniugatus soluta copuletur) erit quidem graue peccatum mortiferum, vt ex dictis patet; minus tamen, quam si coniugata soluto. Ratio est, quia longe magis repugnat Iuri naturæ vt vna femina iungatur duobus viris, quam vt vnu vir duabus feminis. vnde etiam si hoc aliquando fuerit concessum; (vt patet in Patribus veteris Testamento, qui habebant plures vxores) illud tamen numquam. Cauta cur magis repugnet, est Primò, Quia vna mulier pluribus viris satisfacere nequit, quin ordinariè impediatur generatio, quæ est finis istius coniunctionis. Secundo, Quia eti forte interdū generatio non impediatur; tamen erit contra certitudinem prolis: nam incertum erit vtr viro proles sit assignanda, marito an adultero: quod est contra bonam prolis educationem, quæ maximè paterna opera indiget. Tertio, Quia fit peculiaris iniuria marito, dum ei aliena proles supponitur; vel saltem ipsa se constituit in periculo id faciendo. Quartò, Fit iniuria proli legitimæ, adducto à matre in partitionem hereditatis extraneo. Hæc incommoda non sequuntur ex adulterio viri cum soluta. Hinc fit vt adulterium coniugata vindicetur morte, si maritus illam iure protequatur; coniugati vero nequam quamquam in veteri Lege vterque morti addicebatur, vt patet Leuitici 20. & Deuter. 22.

Cur vna non possit iungi pluri-  
ribus.

Adulte-  
rium tri-  
pliciter pa-  
tratur.

Granissimum autem erit, si tertio modo fiat, ni-  
mirum vterque coniugij vinculis ad stricto: tunç  
enim in illo actu est duplex iniuria mortifera, nam  
duorum matrimoniorum iura violantur, & duo-  
bus coniugib[us] iniuria irrogatur. Vnde eo casu in  
confessione non sufficit accusatio sui de adulterio  
in genere; sed explicanda est illa circumstantia,  
ratione cuius iniuria duplicatur.

Nec refert, etiamsi illæ iniuria sint eiusdem  
speciei; quia non solum species peccati, sed etiam  
numeris explicandus; non tantum numerus  
actuum materialium, sed etiam numerus malitia-  
rum, quæ sunt in uno actu; vt si quis uno iactu oc-  
cidat duos homines, vel duobus maledicat, detra-  
hat, conuictetur.

Adulter-  
rium, ex  
parte fe-  
mina.

Pari modo, quando est adulterium ratione so-  
lius feminæ, puto id explicandum, propter pecu-  
liarem deformitatem & mala coniuncta; ob que  
hoc videtur longè grauius.

Nec obstat, quod vir in hoc actu nihil agat  
contra fidem à te datam, cùm nulli fidem coniugalem dederit: quia satis est quod feminæ coope-  
retur in violanda fide, quam ipsa suo dedit mari-  
to; & ad alia damna, quæ inde sequuntur.

## D V B I T A T I O X I .

*Quid incestus, & quale peccatum.*

*D. Thomas art. 9.*

**I**ncestus est congressus cum consanguinea vel 75 affine intra gradus prohibitos: quales sunt om-  
nes gradus consanguinitatis & affinitatis ex ma-  
trimonio contractæ, vñque ad quartum gradum,  
vt communiter DD. tradunt: ex fornicatione ve-  
rò vñque ad secundum; vt constat ex Concilio  
Tridentino sess. 24. cap. 4.

Incestus autem cognationis legalis, quæ nasci-  
tur ex adoptione, & cognationis spiritualis, quæ ex  
Baptismo & Confirmatione, propriè ad hoc vi-  
tium non pertinent; quia sunt vincula magis spi-  
ritualia, nec faciunt coniunctionem carnis & san-  
guinis, sicut consanguinitas & affinitas. negari tam  
non potest, quin violatio talis cognationis per  
actum luxuriae habeat specialem deformitatem;  
cum illa cognatio constitutat impedimentum  
dirimens: vnde talis actus poterit etiam dici *ince-  
stus*, paulò laiuis extensa hac voce; quia fit cum  
persona, cui ratione istius coniunctionis specialis  
debebatur reuerentia in ista materia; nec est aliud  
nomen, quod ei melius conueniat, si cognatio sit  
ex adoptione. Si vero sit ex Sacramento, rectius re-  
feretur ad sacrilegium.

Porrò *incestus* esse graue peccatum, constat ex  
Scripturis: 1. ad Corinth. 5. Omnino andatur inter Eſt pecca-  
tos fornicatio, & talis fornicatio, qualis nec inter sum mor-  
tale. Gentes: ita ut uxorem patris sui aliquis habeat. &  
vos inflati es̄tis, & non magis luctum habuistis; ut tol-  
latur de medio vestrum qui hoc opus fecit, &c. vbi et  
iam Apostolus illum tradit satanæ, ejicendo ex-  
tra Ecclesiam: & vult totam Ecclesiam ob tale fa-  
cinus esse in luco. Leuit. 18. Omnis homo ad prox-  
imam sanguinis sui non accedat, ut reuelet turpitudi-  
nem eius: ego Dominus Deus vester. Deinde recen-  
sentur omnes gradus lute diuino pro illo tempo-  
re vetiti, & prohibetur coniunctio: & c. 20. con-  
stituitur pena mortis in transgressore, additur  
causa, quia rem illicitam, rem nefariam operati sunt.  
Veta-